

ԱԶԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ԸՈՒՅԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ
P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ՇՐՋԱՆ, Է. Տարի, Թիւ 272, Ուրբաթ, 27 ՓԵՏՐՈՒԱՐ, 2015

ՀԱՄԱՅՆՔԱՅԻՆ

ՆՈՐԱԿԱԶՄ ԱԶԳ. ՎԱՐՉՈՒԹԵԱՆ ԱՅՑԵԼՈՒԹԻՒՆԸ Հ.Հ. ԴԵՍՊԱՆԻՆ

Հինգշաբթի, 19 Փետրուարի կեսօրին, Քուէյթի նորակազմ Ազգային Վարչութիւնը գլխաւորութեամբ Թեմիս Կաթողիկոսական Փոխանորդ՝ Գերպ. Տ. Մասիս Ծ. Վրդ. Զօպուեանին եւ գաղութիս հոգւոր հովիւին, այցելեցին Քուէյթի մօտ Հ.Հ. Արտակարգ եւ



Լիազօր Դեսպան՝ Տիար Ֆատէ Զարչօլեանին: Կաթողիկոսական Փոխանորդն ու Ազգային վարչութեան աստենապետ՝ Պրն. Մունիր Դարբինեան ներկայացուցին վարչութեան անդամները եւ խօսեցան վարչութեան ապագայ ծրագիրներուն եւ մարտրահրաւերներուն մասին: Անոնք անդրադարձան Հ.Հ. դեսպանին եւ դեսպանատան հետ սերտ համագործակցութեան: Մեծարգոյ դեսպանը ողջունելէ ետք Հայր Սուրբն ու Ազգային Վարչութեան անդամները յաջողութիւն մաղթեց անոնց երկամեայ առաքելութեան՝ միասնաբար ու համագործակցութեամբ լուծելու գաղութս մտահոգող բոլոր դժուարութիւնները:

WWW. ARMENIANPRELACYKW.ORG

Այցելութիւն Հ.Հ. Արտակարգ եւ Լիազօր Դեսպան՝ տիար Ֆատէլ Չարչօղլեանին

Կիրակի, 22 Փետրուար 2015-ին, երեկոյան ժամը 6:00ին, Քուէթի Ազգային Վարժարանի նորանշանակ հոգաբարձական կազմն ու վարժարանի տնօրէնը այցելեցին ՀՀ դեսպանատուն եւ դիմաւորուեցան ՀՀ արտակարգ եւ լիազօր դեսպան տիար Ֆատէլ Չարչօղլեանի կողմէ:



Հանդիպման ներկայ էր նաեւ հիւպատոս Լեւոն Պետրոսեան:

Դեսպանի բարի գալուստի խօսքէն ետք, հոգաբարձութեան ատենապետ՝ Պրն. Զաւէն Թոզմաքճեան ծանօթացուց կազմի անդամները: Դեսպանը շնորհակալութիւն յայտնեց այցելութեան համար եւ իր գորակցութիւնը յայտնեց Ազգային Վարժարանին, վեր առնելով անոր անփոխարինելի դերը, յատկապէս հայեցի դաստիարակութեան մէջ: Դեսպանը իր պատրաստակամութիւնը յայտնեց հնարաւոր բոլոր միջոցներով կանգնելու վարժարանի կողքին եւ յաջողութիւն մատթեց նորանշանակ կազմին: Հոգաբարձութեան ատենապետ Պրն. Զաւէն Թոզմաքճեան կազմի անունով փոխգործակցութեան պատրաստակամութիւն յայտնեց եւ յաջողութիւն մատթեց դեսպանին իր ազգանուէր աշխատանքին մէջ:

Դպրոցին եւ աշակերտներուն յետդպրոցական ուսումնառութեան վերաբերեալ տեղի ունեցաւ մտերմիկ զրոյց:

Մէկ ժամեայ հանդիպումը ավարտեցաւ փոխադարձ բարեմաղթանքներով: Արժանի է յիշատակել, որ դեսպանի ջանքերով, Քուէթի Պետական Համալսարանի աղջկանց բաժնին մէջ, դեսպանատան յատկացուած մէկ տեղը փոխանցուած է Ազգային Վարժարանին:

ՇՆՈՐՀԱԻՈՐՈՒԹԻՒՆ ՔՈՒԷՅԹԻ ՄՕՏ ԼԻԲԱՆԱՆԻ ՀԱՆՐԱՊԵՏՈՒԹԵԱՆ ՄԻԻՏԹԻՒՆԵՐԿԱՅԱՑՈՒՑԻՉԻ ՊԱՐԳԵԻԱՏՐՄԱՆ ԱՌԹԻԻ

Ուրբաթ, 20 Փետրուարի երեկոյեան Թեմիս Կաթողիկոսական Փոխանորդ Գերպ. Ս. Մասիս Ծ. Վրդ. Զօպուեան ընկերակցութեամբ գաղութիս հոգեւոր հովիւ Արժ. Ս. Արտակ Քինյ. Քէհեաեանին ներկայ գտնուեցաւ Քուէթի մօտ Լիբանանի Հանրապետութեան Միւֆթիի ներկայացուցիչ Հաժ Հասսան Ուաֆիք Հոհոյի պարզեւատրման հանդիսութեան: Վերջինս Խաղաղութեան եւ Բարի Կամքի պատուոյ դեսպան նշանակուցաւ SPMUDA INTERNATIONAL կազմակերպութեան կողմէ:



Կաթողիկոսական Փոխանորդ Հայր Սուրբը յանուն Քուէթի Թեմին իր շնորհաւորութիւնները փոխանցեց Հաժ Հոհոյին եւ յաջողութիւն մատթեց անոր մարդասիրական աշխատանքներուն:

ՀԱՅԿԱԿԱՆ

Ռուստամեան. «Միասին Խելք Խելքի Տանք Եւ Ազատինք Չարիք Դարձած Այս Արատաւոր Համակարգէն»

ՀՅԴ Բիւրոյի քաղաքական ներկայացուցիչ Ազգային ժողովի ՀՅԴ խմբակցութեան ղեկավար Արմէն Ռուստամեան խորհրդարանին մէջ կատարեց հետեւեալ յայտարարութիւնը.



«Միրելի՛ հայրենակիցներ,

«Այս վերջին օրերուն տեղի ունեցած ներքաղաքական իրադարձութիւնները խորքային ընկալման եւ գնահատման կարիք ունին: Կողմերուն միջեւ օրէ օր աճող լարուածութիւնը վերածուած էր անձնական վիրաւորանքներու, սրած էր ճակատումը եւ աւելցուցած բախումներու եւ արինահեղութեան հաւանականութիւնը:

«Ի պատիւ գլխաւոր դերակատարներուն, պէտք է արձանագրել, որ անոնք կրցան ճիշդ գնահատել երկրին առջեւ դրուած ներքին եւ արտաքին բարդ ու վտանգաւոր մարտահրաւերը, եւ կանգ առնել:

«Այո՛, վատագոյնէն առայժմ խուսափած ենք: Բայց հարցերը կը մնան տակաւին չլուծուած, եւ քանի տակաւին այդպէս է, բոլորս պարտուած ենք, եւ պէտք չէ առիթը օգտագործել եւ յաղթող ու պարտուող գտնել: Մեր երկրին ապագային համար պատասխանատու բոլոր քաղաքական ուժերը պարտաւոր են անմիջապէս ձեռնամուխ ըլլալու անկեղծ քննարկումներու միջոցով գտնելու կուտակուած ամէնէն բարդ խնդիրներուն լուծման ճամբան:

«Ասիկա պիտի ըլլայ այս «քաղաքական զինադադարէն» յառաջացած բարենպաստ նախադրեալներու լաւագոյն արժեւորումը: Դաշնակցութիւնը բազմիցս արտայայտած է վիճակը սրբագրելու իր պատկերացումները, որոնք միակ կարելիութիւնն են խուսափելու թէ՛ արինահեղութենէն, թէ՛ ժողովուրդի հիասթափութենէն: Կայ պարզ օրինաչափութիւն մը. նայեցէք ինչ կարգով եւ մեքանիզմներով կը ձեւաւորուի եւ կը գործէ իշխանութիւնը, կը տեսնէք ի՛նչ վարչակարգ հաստատուած է տուեալ երկրին մէջ, ժողովրդավարակա՞ն, թէ՛ ոչ:

«Ատոր համար կ'առաջարկենք փոխել թէ՛ ընտրական, թէ՛ կառավարման համակարգերը Հայաստանի մէջ: Որովհետեւ առանց մէկուն միւսը թերի է եւ չ'ապահովեր ժողովրդավարական միջավայր: Պատահական չէ, որ անկախութեան արշալոյսին ունեցանք բնականոն ընտրութիւններ, բայց անոնք ժողովրդավարութիւն չ'հաստատեցին: Եթէ չարիքը կ'ուզէք վերացնել, չարիքը ծնողը գտէք: Պէտք չէ անձնաւորել քաղաքական պայքարը, չարիք ծնողը գործող համակարգն է: Չարիք է, որովհետեւ իր խաղի կանոնները պարտադրելով, կը յաջողի նոյնիսկ լաւերը փճացնել: Չարիք է, որովհետեւ, ով որ համակարգին մէջն է, պաշտպանուած է եւ ապահով, ով՝ ոչ, կը յայտնուի անոր մամլիչին, ճանկին տակ: Չարիք է, որովհետեւ ընտրութիւնը վերածուած է վերարտադրութեան, միշտ սպասարկելով միայն իշխող վարչախումբին եւ դուրս մղելով մնացեալ բոլորը: Այս դրուածքը փոխելը այսօր դարձած է հրամայական անհրաժեշտութիւն:

«Ուրեմն մեր կոչն է բոլոր կողմերուն եւ յատկապէս հանրութեան՝ եկէք միասին խելք խելքի տանք եւ ազատինք չարիք դարձած այս արատաւոր համակարգէն, դուրս գանք այս կեղծ շրջանակէն եւ լիարժէք փոփոխութիւններու համար իրական երաշխիքներ ստեղծենք: Իսկ մինչեւ սահմանադրական փոփոխութիւնները, որպէսզի մեծնայ ժողովուրդին վստահութիւնը անոնց նկատմամբ, ընենք այն բարեփոխումները, որոնք կարելի է կատարել նոյնիսկ այս սահմանադրութեամբ»:

Պահչելի Էրտողանը Կը Մեղադրէ Հայերուն Ցաւակցելու Եւ Նախագահ Սարգսեանը Թուրքիա Հրաւիրելուն Համար

Թրքական «Մեզգի» պարբերականը կը հաղորդէ, որ Թուրքիոյ Ազգայնական շարժում կուսակցութեան ղեկավար Տեւլէթ Պահչելի քննադատած է իր երկրի նախագահ Ռեճեփ Թայիփ Էրտողանը՝ անցեալ տարի հայերու ժառանգորդներուն ցաւակցելու, իսկ այս տարի Հայաստանի նախագահը Թուրքիա հրաւիրելուն համար:

Ան կուսակցութեան ընդհանուր ժողովին ընթացքին իր արտասանած խօսքին մէջ յիշեցուցած է, որ նախագահ Սարգսեան մերժած է Էրտողանի հրաւերը: «Անցեալ տարի հայկական սփիւռքին ցաւակցական նամակ գրած այդ անձը այժմ նախագահի աթոռին է: Անցեալի ցաւերը տակաւին չեն մարած, հայերու՝ մեր հողերուն նկատմամբ ունեցած պահանջները յայտնի են, իսկ Էրտողան ինչի ետեւէն ինկած է», ըսած է Պահչելի:

Վարդանեան. «Նոր Շունչ Տալու Կարելիութիւն Կայ, Պէտք Է Գիշեր-Ցերեկ Աշխատիլ»



«Երկիր Մետիա»-ի «Երկրի հարցը» հաղորդումին ընթացքին, ՀՅԴ Հայաստանի Գերագոյն մարմինի ներկայացուցիչ Աղուան Վարդանեան խօսած է ՀՅԴ-ի յառաջիկայ ընելիքներուն մասին: Ան նախ յիշեցուցած է, որ յունուար ամսուան երկրորդ կիսուն տեղի ունեցաւ Դաշնակցութեան Ընդհանուր ժողովը, որմէ ետք կարգ մը վերադասաւորումներ կատարուեցան կուսակցութեան

մարմիններուն մէջ, ապա աւելցուցած է, որ Գերագոյն մարմինը այսօր իր հիմնական գործունէութեան ուղղութիւնները ունի:

«Մենք որոշած ենք հանդիպիլ մեր բոլոր կազմակերպական միաւորներուն հետ, սկսած ենք կազմակերպել մեծ հաւաքներ: Ամսուան մը ընթացքին պէտք է այդ հաւաքները տեղի ունենան ամբողջ հանրապետութեան մէջ: Մենք ունինք 50 կազմակերպական միաւոր-կոմիտէութիւններ: Մօտ 20-22 նման հանդիպումներ արդէն ըրած ենք: Երեւանի մեր 10 կոմիտէութիւններէն 7-ին մէջ ընկերային հաւաքներ ըրած ենք, 10 մարզերէն՝ 4-ին մէջ: Հինգ ուղղութիւն կայ: Առաջինը՝ մեր ընկերներուն ներկայացնել Ընդհանուր ժողովի մթնոլորտը, տրամադրութիւններն ու արդիւնքները, որովհետեւ Ընդհանուր ժողով 4 տարին անգամ մը կ'ըլլայ: Մենք կը քննարկելինք կուսակցութեան եւ Բիւրոյի 4 տարուան գործունէութիւնը: Շուրջ 250 հարց արծարծուած է, ապա

50 ելոյթ եղած է, ուր խօսուած է ամէն բանի մասին: Քննարկումը եղած է բուռն, բայց համախոհութեան մթնոլորտի մէջ: Երկրորդ՝ կը խօսինք մեր այսօրուան խնդիրներուն, կազմակերպական դժուարութիւններուն, աւելի բաց եւ հրապարակային գործելու անհրաժեշտութեան մասին: Երրորդ՝ աւելի մանրամասն կը ներկայացնենք հայաստանեան ներքաղաքական վիճակը, մեր քայլերը եւ անոնց հիմնաւորումները: Եւ կը խօսինք ապագայ ծրագիրներու մասին:

Մենք նաեւ կը փորձենք աւելի բացուիլ մեզմէ դուրս, հանրութեան տարբեր շերտերուն հետ կը հանդիպինք: Օրինակ՝ մտաւորականներու եւ դասախօսներու... Կը հանդիպինք նաեւ դեսպաններու հետ, որպէսզի անոնք եւս հասկնան մեր տեսակէտները:

Աղուան Վարդանեան նաեւ կարեւոր նկատած է, որ շարքային դաշնակցականները պէտք է վստահ ըլլան, որ ՀՅԴ-ի ընթացքը հետեւողական է՝ ուղղուած երկրին մէջ որակական, արմատական փոփոխութիւններ կատարելու, հանրութեան խնդիրներուն քայլ առ քայլ լուծումներ գտնելուն:

«Եթէ իրենք համոզուած չըլլան, որ մենք ճիշդ ուղիի վրայ ենք, չեն կրնար համոզել իրենց շրջապատը: Քաղաքական ուժերը իրենց միջեւ յարաբերութիւններ կը պարզեն՝ մոռնալով, որ քաղաքականութիւնը մարդու համար է: Այսօր քաղաքականութեան նոր շունչ տալու կարելիութիւն կայ, եւ պէտք է գիշեր ցերեկ աշխատիլ», եզրափակած է ՀՅԴ Հայաստանի Գերագոյն մարմինի ներկայացուցիչ Աղուան Վարդանեան:

«Ցիւրիխեան Արձանագրութիւնները Կեանքի Կոչման Համար Թուրքիա Նախապայման Կը Դնէ. Հայաստան Պէտք է Հեռանայ Ազրպէյճանի Տարածքներէն» Կը Յայտարարէ Չաւուշօղլու

ԱՓԱ լրատու գործակալութիւնը կը հաղորդէ, որ Թուրքիոյ արտաքին գործոց նախարար Մելուք Չաւուշօղլու Պաքուի մէջ Ազրպէյճանի արտաքին գործոց նախարար Էլմար Մամետեարովի հետ մամլոյ ասուլիսի մը ընթացքին նշած է, որ «Հայաստան չկրցաւ յաջողիլ անկեղծութեան քննութեան մէջ», այդ պատճառով ալ խորհրդարանէն արձանագրութիւններու յետս կոչումը որեւէ նշանակութիւն չունի:

«Ցիւրիխեան արձանագրութիւններու կեանքի կոչման համար Թուրքիա նախապայման կը դնէ. Հայաստան պէտք է հեռանայ Ազրպէյճանի տարածքներէն», յայտարարած է ան:

«Ազրպէյճանն ու Թուրքիան կը փափաքին, որ Հարաւային Կովկասը խաղաղ ու անվտանգ վայր ըլլայ, սակայն Հայաստան այլ մտադրութիւններ ունի: Կովկասը խաղաղ եւ անվտանգ պիտի դառնայ, եթէ Հայաստան շտկէ իր սխալները», ըսած է Չաւուշօղլու:

Թուրքիոյ՝ Պաքու գտնուող արտաքին գործոց նախարարը ազրպէյճանական «Թրենտ» լրատու գործակալութեան հետ հարցազրոյցի մը ընթացքին յայտնած է, որ Հարաւային Կովկասը, Միջերկրական եւ Սեւ ծովերու աւազանները միշտ Թուրքիոյ համար մեծ նշանակութիւն ունեցած են:

«Դժբախտաբար, այս շրջանին մեջ այնպիսի ձգձգուած խնդիրներ կան, ինչպիսին Լեւոնային Ղարաբաղի, արխազական եւ հարաւային օսեթական տագնապներն են, որոնք անորոշութեան աղբիւր կը հանդիսանան», ըսած է ան:

Նախարարին կարծիքով, ազգային, կրօնական հողի վրայ տագնապները, կամ անոնք, որոնց հիմքը տարածքային յաւակնութիւններն են, ինչպէս նաեւ անվտանգութեան բացակայութիւնը բացասաբար կ'անդրադառնան թուարկուած խնդիրներու լուծման վրայ:

«Այդ խնդիրներու խաղաղ լուծումը՝ Ազրպէյճանի եւ Վրաստանի տարածքային ամբողջականութեան ծիրին մէջ, այն գործօնն է, որ կը բխի շրջանի ազգերու եւ միջազգային ընտանիքի շահերէն», յայտարարած է Չաւուշօղլու:

Թրքական դիւանագիտութեան պետը ընդգծած է, որ թուարկուած խնդիրները սպառնալիք են Եւրասիոյ կայունութեան ու խաղաղութեան համար:

«Այդ պատճառով ալ համաշխարհային ընտանիքը, միջազգային կազմակերպութիւնները, մասնաւորաբար՝ ՄԱԿ-ը եւ ԵԱՀԿ-ը պէտք է բազմապատկեն ջանքերը շրջանի տագնապներուն լուծման համար», ըսած է Չաւուշօղլու՝ յիշեցնելով, որ Թուրքիա կը հետեւի հոլովոյթներուն ու կը սատարէ Ազրպէյճանին:

Ըստ անոր, Թուրքիան՝ իբրեւ ԵԱՀԿ-ի Մինսքի խմբակի անդամ երրորդ երկիրներու հետ հանդիպումներու ընթացքին միշտ կ'արծարծէ Լեւոնային Ղարաբաղի տագնապի հարցը՝ զայն իր խնդիրը նկատելով:

Երեւան Արձագանգած է Թուրքիոյ Արտաքին Գործոց Նախարարի Յայտարարութեան

Հայաստանի արտաքին գործոց նախարարի տեղեկատուութեան վարչութեան փոխանցումով, պատասխանելով Tert.am-ի հարցումին, արտաքին գործոց փոխնախարար Շաւարշ Քոչարեան ըսած է. «Առնուազն տարակուսանք կը յառաջացնէ այն հանգամանքը, որ արձանագրութիւններուն շուրջ բանակցող թրքական պատուիրակութիւնը տեղեկ չէր, ըստ Չաւուշօղլուի, ամբողջ աշխարհին յայտնի թրքական նախապայմաններէն: Նման կէտծ տեղեկութիւններ տարածելով՝ անկէղծութեան մասին խօսիլը տարօրինակ է, բայց, միեւնոյն ժամանակ, բնորոշ թրքական իշխանութիւններուն»:



«Ինչպէս նշած է արտաքին գործոց նախարար Նալբանդեան տակաւին 2010-ին, ցիրիխեան արձանագրութիւններու ստորագրման առաջին տարեդարձին առիթով «Ուոլ Սթրիթ Ճըռնըլ» օրաթերթին մէջ հրապարակուած իր յօդուածով՝ «մեր դիրքորոշումը արտայայտուած էր առանց նախապայմաններու յարաբերութիւններու կարգաւորման յայտնի մօտեցումով: Այդ սկզբունքին վրայ հիմնուած էր Թուրքիոյ հետ բանակցային գործընթացին սկիզբը: Եւ այս ընդհանուր փոխըմբռնումով մենք սկսանք, վարեցինք գործընթացը եւ եկանք պայմանաւորութիւններու: Միջազգային հանրութիւնը՝ գուիցերիացի միջնորդները, ՄԱԿ-

ի ընդհանուր քարտուղարը, ԵԱՀԿ-ը, Եվրոպական Միությունը, Միացեալ Նահանգները, Ռուսիան, Ֆրանսան եւ շատ այլ երկիրներ, գործընթացի սկիզբէն մինչեւ այսօր համամիտ են այս մօտեցումին հետ»: Անկէ ետք յիշեալ երկիրները եւ կազմակերպութիւնները տարբեր առիթներով բազմիցս վերահաստատած են այդ իրողութիւնը», ըսած է Շաւարշ Քոչարեան:

Սէյրան Օհանեան. «Սահմանին Վրայ Կացութիւնը Համեմատաբար Հանդարտ Է»

Հայ-ազրպէյճանական սահմանին վիճակը համեմատաբար հանդարտ է: Այս մասին լրագրողներուն Չորեքշաբթի օր ըսած է Հայաստանի Հանրապետութեան պաշտպանութեան նախարար Սէյրան Օհանեան՝ նշելով, որ աստիկա էապէս պայմանաւորուած է հայկական զինեալ ուժերու պատրաստուածութեան մակարդակի բարձրացումով:

«Մարտական հերթապահութեան տարրերու կատարելագործման ուղղութեամբ Հայաստանի Հանրապետութեան եւ Լեռնային Ղարաբաղի Հանրապետութեան բանակները անընդհատ կ'աշխատին: Բարելաւած ենք դիտարկման համակարգը, որ կարելիութիւն կ'ընձեռէ աւելի լաւ դիտարկել, յայտնաբերել, կողմնորոշուիլ եւ որոշումներ տալ», ըսած է նախարարը:

Ըստ Սէյրան Օհանեանի, լարուածութեան մեղմացման վրայ կ'ազդեն բազմաթիւ գործօններ:

«Ազդեցութիւն կ'ունենան քաղաքական միջավայրը, հանդիպումները, եռանախագահներու աշխուժութիւնը եւ աշխատանքը, որ պէտք է տարուի երկու երկիրներու նախագահներու հանդիպման ծիրին մէջ: Մենք միշտ իբրեւ ուժային կառոյցներու ղեկավարներ, յորդորած ենք, որ միջազգային քաղաքական կառոյցները այդ հարցը դնեն. կա՛մ կը պահպանենք զինադադարը, կա՛մ ոչ», ըսած է նախարարը:

Թուրքիոյ Մէջ Հայոց Ցեղասպանութեան Վերաբերեալ Տարածուած Են Հակահայկական Պաստառներ




Թուրքիոյ մէջ տեղի ունեցած են այսպէս կոչուած «Խոջալուի ցեղասպանութեան» նուիրուած ձեռնարկներ, որոնց ծիրին մէջ երկրին տարբեր վայրերուն մէջ խիստ հակահայկական, խտրական եւ աստելութիւն սերմանող պաստառներ տարածուած են:

Թուրք երիտասարդներու խումբ մը Հրանդ Տինքը սպաննած Օկիւն Սամասը զովաբանող կարգախօսներ վանկարկած է: Աւելի ուշ երկրին տարբեր քաղաքներուն մէջ տեղադրուած են պաստառներ, որոնց վրայ գրուած է. «Կը շնորհաւորեմ մեր երկիրը հայերէն մաքրելու 100-ամեակը. կը հպարտանանք մեր փառապանծ նախահայրերով»: Նկարները նաեւ տեղադրուած են համացանցի վրայ, որուն շատ օգտատէրեր, սակայն, տեղի ունեցածը նկատած են 1915-ին տեղի ունեցած ցեղասպանութեան հաստատում եւ խոստովանութիւն:

ԱՆՆՈՒՄԱՐ

**Արմին Վեգներ
(1886-1976)**

Արմին Վեգները ծնած է 1886 թուականին Էլբերֆելդ քաղաքը: Բրեսլաուիի, Ցիւրիքի եւ Պեդիինի համալսարաններուն մէջ ուսանելէ ետք՝ 1914 թուականին, Վեգները պաշտպանած է դիսերտացիա եւ արժանացած իրաւագիտութեան դոկտորի կոչման: Որպէս գրող՝ Վեգները յարած է էքսպրեսիոնիստներուն, եղած է բաւական յայտնի: Ֆրանց Վերֆել իր հոշակաւոր վեպը գրած է Վեգների նամակի ժողովածուի ազդեցութեամբ:



Առաջին համաշխարհայինի ժամանակ, Վեգները զօրակոչուած է եւ ծառայած լեհական ու ռուսական ճակատներուն վրայ, ապա կոչումէն հրաժարելով, որպէս սանիտար, գերմանական զօրախումբի հետ մեկնած է Թուրքիա, այդտեղէն՝ Պաղտատ: Վեգները ճանապարհին տեսած է վայրագութեան եւ բարբարոսութեան կացարանը՝ Թուրքիան «Բոլոր լեռնահովիտները, բոլոր գետերու ափերը լեցուած են թշուառութեան այս ճամբաներով: Տարուսի եւ Ամանտսի կիրճերով ձգուած է տեղահանուած այդ հարիւր հազարաւոր տարաբախտներու ահռելի հեղեղը, որ յորձանք կու տայ լեռներու ստորոտով, որպէսզի նուազելով ու նուազելով՝ անվերջանալի թափորներով գահավիժի՝ դէպի հարթավայր եւ ներքծուելով՝ կորչի անապատին մէջ: Ո՛ր, դէպի ո՛ր: Այդ այն ճանապարհն է, ուրկէ այլեւս չկայ տունդարձ»:

Վեգները լուսանկարումներ կատարած է 1915-1916 թուականներուն Տէր Զօրի, արաբական անապատներու մէջ, Հալէպէն Պաղտատ ուղեւորուելու եւ վերադարձի ճանապարհին, Կիլիկիոյ, Ամասիայի եւ Տարուսի կիրճերուն մէջ: Ան լուսանկարած է գաղթականներու կարաւաններ, ճամբարներ, սովահար, տանջահար մարդիկ, դիակներ, դիակներ, դիակներ, զանկերու բլուրներ:

Վեգների լուսանկարներու բնօրինակները ներկայիս կը գտնուին Գերմանիոյ Մարբախ քաղաքին, Շիլլերի ազգային թանգարանին եւ գրականութեան արխիւներուն մէջ: Առաջին անգամ ցուցադրած է ինքը՝ Արմին Վեգները, 1919-1921 թուականներուն՝ Մեծ Եղեռնը դատապարտող իր հրապարակային դասախօսութիւններու ժամանակ: Աշխարհը նման բան դեռ չէր տեսած:

Ան մեծ գրող է, բանաստեղծ եւ հրապարակախօս, ունի բազմաթիւ ժողովածուներ: Նաեւ՝ Հայոց Ցեղասպանութեան նուիրուած բանաստեղծութիւններ, արձակ գործեր, հրապարակումներ: Արմին Վեգները ակնաստես եղած է մարդկութեան առաջին ցեղասպանութեան ողբերգութեան ու ոճիրին, տառապած է որպէս մարդ, աղաղակած է, ահազանգած ու վկայած:

Յետագային ան իր տպաւորութիւնները ամփոփեց նամակներու ձեւով, որ հրատարակուեցաւ «Ճանապարհ առանց տունդարձի նահատակութիւն նամակներու մէջ» վերնագրով: Այդ նամակները, որ Վեգները յղած էր մերձաւորներուն, համախոհներուն, ընկերներուն, մամուլի օրկաններուն, ձեռքէ ձեռք անցնելով տպագրուեցան: Անոնք անապատէն հնչող աղաղակներ էին անլուռ ոճրագործութեան մասին, տառապանքով գրուած վկայութիւններ, որոնց հեղինակը, չմոռնանք, վտանգած էր իր կեանքը: Այդ նամակներուն պատճառով Վեգները ձերբակալուեցաւ: Անոր փրկեց միայն Գերմանիոյ քաղաքացի ըլլալը: Վեգներին արտաքսեցին Թուրքիայէն: Գերմանիա վերադառնալով՝ Արմին Վեգները հրատարակեց իր նամակները եւ բանաստեղծութիւնները, որոնք նոյնպէս գրուած էին ցեղասպանութեան ազդեցութեան տակ: Այս ժողովածուն կոչուած է «Հազար իղձերու ճամբան», իսկ այնպիսի բանաստեղծութիւններ, ինչպէս որ «Մարդկութեան արտաքսումը» կամ «Վերջին եզերքը», մարդկութեան տառապանքի մարմնացումն է պարզապէս:

Գերմանիոյ մէջ Արմին Վեգներ իր հայանպաստ գործունէութիւնը շարունակած է: Ան մասնակցած է Սողոմոն Թէլիլիբեանի դատավարութեան, ցառով ու ցասումով լեցուն յառաջաբան գրած է դատավարութեան տղազրութեան տպագրութեան համար, մէջբերելով Ֆրանց Վերֆելի խօսքերը. «Ոչ թէ սպաննողն է մեղաւոր, այլ՝ սպաննուողը»:

Վեգների հրապարակախօսութեան եւ հումանիզմի դրսեւորման գագաթնակէտը պէտք է համարել անոր հրապարակած երկու յօդուածները. «Կտակ անապատում» եւ «Ճիշ Արարատից»: Առաջինը ուղղուած էր ԱՄՆ-ի նախագահ Ուիլսնին, գրուած է հրապարակուած է 1919 թուականին: Երկրորդը՝ ուղերձ էր Անտանտի ղեկավարներուն: Այս հրապարակումներուն մէջ, որոնք փաստօրէն բաց նամակներ էին՝ ուղղուած այս աշխարհի հօգօրներուն, Վեգները կրկին ու կրկին կը վկայէ Հայոց Յեղասպանութիւնն ու աղաղակ կը բարձրացնէ՝ ի նպաստ հայութեան, Հայաստանի եւ Հայ Դատին: Ցառք, անաւարտ մնացած է ճեղասպանութեան նուիրուած անոր արձակ գրութիւնը՝ «Տեղահանութիւն կամ սերունդներ կ'անցնին՝ ինչպէս ստուերները արեւի տակ» վէպը, որու վրայ գրողը աշխատած է ողջ կեանքի ընթացքին:

Վեգները մեծ հումանիստ էր, հետեւաբար՝ նաեւ մեծ հայասեր:

Մեծ հումանիստն ու հայասերը նաեւ երկու անգամ եղած է Հայաստան: Առաջին անգամ՝ 1927 թուականին, հրաւիրուած ըլլալով Հոկտեմբերեան Յեղափոխութեան տասնամեակին, ան Սոսկուայէն եկած է Երեւան, տեսած Հայաստանի վերածնունդ: Այս այցելութենէն ետք լոյս աշխարհ եկած է անոր նոթերու ու նամակներու «Հինգ մատ գլխից վեր» ժողովածուն:

Երկրորդ անգամ Վեգները Հայաստան այցելած է 1968 թուականին: Ան ծունկի իջած է Ծիծեռնակաբերդի անմար կրակին առջեւ. խոնարհած է այն մարդոց յիշատակին առջեւ, որոնց անագորոյն տառապանքի ականատեսն ու վկայագիրը եղած է ինք: Հայաստանի մէջ Վեգներին ընդունած են խորին խոնարհումով: Անոր ընդունած է Վազգէն Առաջինը (մինչ այդ՝ 1965-ին, Եղեռնի 50-ամեակի կապակցութեամբ, Վեգները ուղերձ յղած է հայ ժողովուրդին եւ կոչած այն խորհրդանշական վերնագրով՝ «Բարի լոյս»):

Վեգները սերտ կապեր ունեցած է նաեւ սփիւռքահայութեան հետ: 1972 թուականին Սփիւռքի հրաւերով ան մեկնած է ԱՄՆ, ծանօթացած օտարութեան մէջ վերընձիւղուած հայութեան բեկորներու կեանքին, այնտեղ արժանացած է փառաւոր ընդունելութեան:

Դժբախտաբար, իր հայրենիքին մէջ Վեգներ հանգիստ չի գտներ, չի գնահատուիր, աւելին՝ կը հալածուի ու կը տարագրուի: Յեղասպանութիւն տեսած գրողը զգացած, գիտակցած էր, թէ ի՞նչ զարհուրելի աղէտ բերած է իր հետ ֆաշիզմը գերման ժողովուրդին եւ ողջ մարդկութեան համար: Ան մահացաւ Իտալիոյ մէջ ընդհուպ իր ծանր ու հրաշալի կեանքի վերջը աշխատելով եւ ցառք, չաւարտելով իր մեծագոյն վէպը՝ «Տեղահանութիւնը»:

Արմին Վեգները յուղարկաւորուեցաւ 1978 թուականին Հռոմ: Անոր մահագրը գուժեցին իր խօսքերը. «Ես սիրեցի արդարութիւնը: Անոր համար ալ կը մեռնիմ տարագրութեան մէջ»: Սակայն մահն անգամ չկարողացաւ խզել Արմին Վեգների եւ հայ ժողովուրդի կապը: 1997 թուականին երկրորդ կնոջմէն ունեցած Միքէլէ որդիի ձեռքով անոր աճիւններէն հիւլէ մը տեղափոխեցաւ Հայաստան եւ ամփոփուեցաւ Ծիծեռնակաբերդի Յիշատակի պատի պահոցներուն մէջ: Այն անթեղուած է համեստ մակագրի ներքեւ. «Արմին Վեգներ. 1886-1978»: Սակայն այս անպաճոյճ մակագիրը մինչ ժամանակներու վախճանը պէտք է հնչէ հօգօր եւ անլռելի՝ որպէս յաւերժական ճիշ Արարատէն:

*Պատրաստեց Քուէյթի Ազգային Վարժարանի
անօրէն Սանուկ Սանուկեան*

WWW.AZTARAR.COM

ՊԱՏԱՆԵԿԱՆԻ ԱՆԿԻՆԸ

Փետրուարեան Ապստամբութիւն

1921 Փետրուար 18, թուական մը որ պատասխան տուած է ամբողջ ժողովուրդի մը տարիներո՛ւ ահին ու սարսափին, վիշտին ու ցաւին:

Հայոց կեանքը դարձած էր դժոխք մը, որուն մէջ կ'այրէին անմեղ հայու հոգիներ ամէն օր, վախն ու սարսափը կը տիրապետէր երկիրը, անմարդկային էր վիճակը, կը խեղդուէին անոնք անկարելի եւ անտանելի պահանջներով: Բանտերը խճողուած էին ազգային գործիչներով մտաւորականներով եւ անմեղ գիւղացիներով, որոնց միակ մեղքն էր հայրենասիրութիւնն ու խաղաղ կեանքի մը գգտումը:



Կուժի մը նման կը լեցուէր անոնց սրտերը սակայն օրը պիտի գար եւ ընդվզէին անոնք: Հայ Յեղափոխական Դաշնակցութեան ղեկավարութեամբ էր որ հայերը իրենց ցայները բարցրացուցին եւ դէմ կանգնեցան Հայաստանի Հանրապետութեան պարտադրուած խորհրդային իշխանութեան եւ մանաւա՛նդ, համայնավար Յեղկոմի վարած բռնակալական քաղաքականութեան դէմ: Այս շարժումին ուժին աղբիւրը գաղափարի վրայ հիմնուած հաւաքական կամքն էր եւ ոչ թէ անհատներու հեղինակութիւնը: Ժողովուրդին միութեան եւ պորթկումին արդիւնքն էր ան:



Թէեւ ան իր արդար գնահատականը չ'ստացաւ, սակայն ան ցոյց տուաւ հայուն

ուժը եւ օրինակ մը դարձաւ ամբողջ հայութեան, ան գաղափար մը յայտնեց եւ դաս մը սորվեցուց մեզ, որն է՝ կարելի չէ տիրապետել ազգի մը վրայ, որուն լեզուն է ազատութիւնը եւ թէ պետք է որ միշտ պայքարինք եւ թոյլ չտանք որ մեզ արհամարեն եւ մեր իրաւունքները խլեն:



Հ.Դ.Ս. Դաստիարկչական եւ Քարոզչական Յանձնախումբ

ԼՈՒՐԵՐ ԳԱՂՈՒԹՆԵՐԷՆ

Վարդանանց Տօնակատարություն Քեսապի Մէջ

Հինգշաբթի, 12 փետրուար 2015-ին, կեսօրէ ետք ժամը 4:00-ին, Քեսապի Ս. Աստուածածին Հայ Առաքելական եկեղեցւոյ մէջ տեղի ունեցաւ հայ երեք համայնքներու Վարդանանց միատեղ տօնակատարութիւնը: Հանդիսութիւնը սկսաւ 1 վայրկեան յոտնկայս հայ նահատակներու յիշատակի յարգումով: Օրուան հանդիսավար Նանոր Պռճիկեան հրաւիրեց Նարեկ վրդ. Լուիսեանը բացման խօսքը ներկայացնելու: Ան իր հակիրճ, սակայն իմաստալից խօսքով վեր առաւ Վարդանանցի նահատակութեան խորհուրդը, յատկապէս ընդգծեց նահատակութիւնը վասն հայրենիքի ու կրօնի՝ զայն առնչելով մերօրեայ Քեսապը վերաշինելու պայքարին:



Օրուան բանախօս Սեւան Ասատուրեան-Մանճիկեան ընդգծեց, որ հայոց պատմութիւնը սկսած է Հայկի ու Բելի պատերազմով, վարդաններու նահատակութեան պատմութիւններով, անցնելով մեր չորս թագաւորութիւններու ընդմէջէն, հասնելով Հայոց ցեղասպանութեան, որուն հարիւրամեակն է այս տարի: Ան յայտնեց, թէ մեր ժողովուրդը անցած է նաեւ մայիսեան մարտերու յաղթանակներէն ու հասած՝ արցախեան ազատագրական պայքարի հպարտառիթ օրեր: Յիրաւի, Հայաստանի պատմութիւնը կերտուած է Վարդաններու նահատակութեամբ, Վահան Մամիկոնեաններու պսակադրած յաղթանակներով:

Բանախօսը մասնաւորեց Վարդանանց ու Վահանեանց գոյապայքարի օրինակի այժմեականութիւնը՝ զայն առնչելով Քեսապի գոյապայքարի եւ վերականգնումի գործընթացին: Ան նշեց, թէ քեսապահայութիւնը Քեսապը պահելու եւ պահպանելու իր առաքելութեան մէջ լիցքաւորուած է Վարդաններու ու Վահաններու շունչով: Ան հաւատարիմ է Վարդաններու եւ 100-ամեայ եղեռնի նահատակներու կտակին:

Օրուան եզրափակիչ պատգամը փոխանցեց Միւռոն քինյ. Աւետիսեան: Ան շեշտը դրաւ վերանորոգման գաղափարին վրայ ու յայտնեց, թէ մեր պապերը իրենց կրօնական եւ ազգային պատկանելիութեան համար ենթարկուած են սպառնալիքներու, սակայն վերանորոգուելու հոգիով զինուած՝ յաղթահարած են այդ սպառնալիքները: Այսօր քեսապցին եւս այդ ոգիով պէտք է արժեւորէ ներկան ու յառաջ ընթանայ:

Գեղարուեստական յայտագրին մասնակցութիւն բերին Ազգ. ուսումնասիրաց միացեալ ձեւարանի աշակերտները հետեւեալ երգերով՝ «Նորահրաշ», «Հիմի էլ լռենք», «Ձայն մը հնչեց», «Բամբ որոտան», «Դեհ, հայրենեաց»: Հայ կաթողիկէ Բարեյուսոյ դպրոցի աշակերտները երգեցին՝ «Աւարայրի դաշտ», «Քաջ Վարդան» երգերն ու խմբովին արտասանեցին Ա. Սոփոկլեանի «Յոյս անշէջ» քերթուածը:

Ներկաները միասնաբար երգեցին «Կիլիկիա» մաղթերգը, որով վերջ գտաւ տօնակատարութիւնը:

Սանթա Քլարիթա Հովիտի Ս. Սարգիս Եկեղեցւոյ Խաչքարերու Եւ Սրբապատկերներու Օծում

Փետրուար 1-ին, թեմի առաջնորդ Յովնան արք. Տերտերեան հովուական այցելութիւն տուաւ Սանթա Քլարիթա Հովիտի Սուրբ Սարգիս Հայց. եկեղեցի, ուր մատուցեց Ս. պատարագ:



Պատարագի ընթացքին սրբազանը թափօրով առաջնորդուեցաւ դէպի եկեղեցւոյ ատենանը, ուր կատարեց խճանկարի, սրբապատկերներու եւ խաչքարերու օծումը:

Իր պատգամին մէջ ան բարձր գնահատեց եկեղեցւոյ մեծ ընտանիքին ունեցած քրիստոնէական ոգին եւ յանձնառութիւնը՝ պահպանելու քրիստոնէական արժէքները հայ ընտանիքին:

Եկեղեցւոյ օծման հինգերորդ տարեդարձի եւ անուանակոչութեան տօնին առթիւ, 31 յունուարին առաջնորդարանի «Նազարէթ եւ Սիմա Գալայճեան» սրահին մէջ տեղի ունեցաւ եկեղեցւոյ տարեկան ճաշկերոյթը:

Ծխական խորհուրդի ատենապետ Ճորճ Գարայեան ողջունեց ներկաները՝ նշելով անոնց շարունակական աջակցութիւնը:

Ներսէս քինյ. Հայրապետեան անդրադարձաւ 2004-էն սկսեալ ծուխի գլխաւոր իրագործումներուն՝ շեշտելով, որ ծուխի կարճ պատմութեան ընթացքին բազմաթիւ յաջողութիւններ արձանագրուած են:

Առաջնորդ Յովնան արք. Տերտերեան գնահատեց բոլորին կատարած աշխատանքը եւ առ ի գնահատանք՝ Ներսէս քինյ. Հայրապետեանի մատուցած ծառայութիւններուն՝ սրբապատկեր մը նուիրեց անոր:

Գործադրուեցաւ գեղարուեստական յայտագիր:

Մեթիու Քարանեանի Հեղինակած Պատմական Հայաստանի Լուսանկարներու Հատորին Ներկայացումը

Նախաձեռնութեամբ Արեւմտեան Ամերիկայի Հայ դատի յանձնախումբի շարժապատկերի եւ արուեստներու յանձնախումբին, 11 փետրուարին «Շերրթըն եունիվըրսըլ» պանդոկի սրահին մէջ տեղի ունեցաւ պատմական Հայաստանի լուսանկարներուն նուիրուած Մեթիու Քարանեանի հատորին ներկայացումը:

Արեւմտեան Ամերիկայի Հայ դատի յանձնախումբի գործադիր վարիչ Էլեն Ասատրեան նկատել տուաւ, թէ պատմական Հայաստանի զբօսաշրջութեան առաջին ուղեցոյցը հանդիսացող այս հատորին ներկայացումը շատ յարմար մեկնարկ մը հանդիսացաւ Հայոց ցեղասպանութեան նուիրում՝ Արեւմտեան Ամերիկայի Հայ դատի յանձնախումբի ձեռնարկներու շարքին, որովհետեւ լուսարձակի տակ կ'առնէ վնասուց հատուցումներ ապահովելու մեր պահանջատիրութիւնը:



Ձեռնարկի բացումը կատարեց Արեւմտեան Ամերիկայի Հայ դատի յանձնախումբի վարչութեան անդամ Սիւզի Ծերունեան-Խանգաղեան, որ դրուատեց Քարանտանին աշխատանքը՝ միաժամանակ կոչ ընելով ներկաներուն, որ նեցուկ կանգնին Հայ դատի գործունէութեան:

Այնուհետեւ ցուցադրուեցաւ Արեւմտեան Ամերիկայի Հայ դատի յանձնախումբի ատենապետ Նորա Յովսէփեանին վաւերագրական ժապաւէնը՝ նուիրում մայիս 2014-ին պատմական Հայաստան կատարած իր այցելութեան, որուն մասնակիցներէն մէկը եղած էր Քարանտանը:

Ապա Արեւմտեան Ամերիկայի Հայ դատի յանձնախումբի շարժապատկերի եւ արուեստներու յանձնախումբի ատենապետ Նորա Եագուպեան ներկայացուց Մեթիու Քարանտանը, որ կարգին, նախ շնորհակալութիւն յայտնեց ձեռնարկը կազմակերպողներուն եւ ապա, սահիկներու ցուցադրութեամբ, ներկայացուց հատորը ու խօսեցաւ անոր պատրաստութեան մասին:

Ցեղասպանութեան 100-Ամեակին Նուիրում Գիրքի Շնորհահանդէս



Փետրուար 11-ին Մատրիտի մէջ տեղի ունեցաւ Չաիէր Մորէթի «Արարատի յիշողութիւնը. ամէնամոռցուած ցեղասպանութեան 100 տարին» գիրքին շնորհահանդէսը:

«Արարատի յիշողութիւնը. ամէնամոռցուած ցեղասպանութեան 100 տարին» գիրքը բաղկացած է 270 էջերէ: Գիրքը պատմական իրադարձութիւններու շարադրութիւն չէ, այլ՝ ճամբորդական նոթերու ոճով գրուած պատմութիւն մը, որուն մէջ հեղինակը

ընթերցողին կը ներկայացնէ իր եւ իր լուսանկարիչ ընկերոջ ճամբորդութիւնը Հայաստան եւ

Արցախ: Հեղինակը իր հիացմունքը յայտնած է, որ հայ ժողովուրդը հակառակ իր կրած անմարդկային տառապանքներուն՝ իր մէջ ուժ գտաւ վերածնունդ ապրելու, կերտելու անկախ պետականութիւն եւ պահպանելու իր հարուստ հոգեւոր ժառանգութիւնը Հայաստանի եւ սփիւռքի մէջ:

Նշենք, որ 2002-ին Չախեր Մորեթ իր «Գաղտնի կղզի. Այսլէնտ» գործին համար արժանացաւ «Մեծ ճանապարհորդներ» գրական մրցանակին:

Հայոց Գեղասպանութեան 100-Ամեակի Տարածաշրջանային Վրաստանի Յանձնախումբին 5-րդ Նիստը



Փետրուար 12-ին, Թիֆլիսի Հայ Առաքելական եկեղեցւոյ վիրահայոց թեմի «Հայարտուն» կեդրոնին մէջ տեղի ունեցաւ Հայոց ցեղասպանութեան 100-րդ տարելիցին ձեռնարկները համակարգող տարածաշրջանային Վրաստանի յանձնախումբին 5-րդ նիստը:

Այս առիթով «Գալուստ Կիւլպէնկեան» սրահին մէջ տեղի ունեցաւ «Հարիւր գիրք» խորագիրով ցուցահանդէսի բացում: Այսպիսով, վիրահայոց թեմին մէջ մեկնարկեց Հայոց ցեղասպանութեան 100-ամեակին նուիրուած ձեռնարկներուն շարքը:

Յանձնախումբի նախագահ, վիրահայոց թեմի առաջնորդ Վազգէն եպս. Միրզախանեան կատարեց բացման աղօթքը եւ ներկայացուց նիստին օրակարգը, որմէ ետք քննարկուեցան յանձնախումբին ծրագիրները եւ ձեռնարկները: Անդրադարձ կատարուեցաւ նաեւ Ջաւախքի մէջ նախատեսուած ծրագիրներու մասին: Վրաստանի խորհրդարանի հայազգի երեսփոխանները ներկայացուցին Հայոց ցեղասպանութեան ճանաչման եւ դատապարտման ուղղութեամբ իրենց ծրագրած աշխատանքները: Ձեռնարկներ պիտի կազմակերպեն նաեւ՝ վիրահայոց թեմը, Վրաստանի մէջ Հայաստանի Հանրապետութեան դեսպանութիւնը, Թիֆլիսի Պետրոս Ադամեանի անուան թատրոնը, «Վրաստան» թերթը եւ հասարակական կազմակերպութիւններ:

Նիստի ընթացքին քննարկուեցաւ նաեւ Հայաստանի քաղաքացիութիւն ունենալու պատճառով Վրաստանի քաղաքացիութենէն հայութեան որոշակի զանգուածը զրկելու հարցը: Վրաստանի խորհրդարանի հայազգի երեսփոխանները խօսեցան այդ ուղղութեամբ իրենց կատարած աշխատանքներուն, Վրաստանի արդարադատութեան նախարար Թէա Օուլուկիանիի հետ ունեցած հանդիպումին մասին:

Քննարկուեցաւ նաեւ յանձնախումբի կազմի փոփոխութեան հարցը: Աւարտին նիստին աշխատանքը ամփոփեց Հայաստանի դեսպան Եւրի Վարդանեան:

ԿՆՈՋԱԿԱՆ

Վարսակ



Շատ քիչ թիւով ուտելիքներ իրենց սննդական արժէքով կրնան մրցիլ վարսակին հետ:

Գիտական հետազոտութիւններ կը վկայեն, որ վարսակը օժտուած է բացառիկ բուժիչ յատկութիւններով եւ պէտք է զայն օրական օգտագործել մեր կերակուրներուն մէջ, բայց նաեւ՝ եփուկի ձեւով:

Վարսակին բուժիչ յատկութիւնները.

- 1.- Լեարդին ճամբով մարմինը կը մաքրէ բոլոր տեսակի թունաւոր նիւթերէն:
- 2.- Կը հաւասարակշռէ շաքարին տոկոսը արեան մէջ:
- 3.- Կը նուազեցնէ գէշ քոլեսթերոլին տոկոսը:
- 4.- Կը բարելաւէ մարտոդութիւնը:
- 5.- Կը պաշտպանէ քաղցկեղէն:
- 6.- Կը պակսեցնէ ընկճախտը (սթրես):
- 7.- Կը կանխարգիլէ ոսկրափտութիւնը (օսթնփոքրոզ):
- 8.- Կ'օգնէ նիհարնալու:
- 9.- Կը կազդուրէ եւ ուժ կը հայթայթէ:
- 10.- Կը դարմանէ անքնութիւնը:
- 11.- Կը թարմացնէ մորթը, կը դարմանէ բշտիկները:
- 12.- Կը հաւասարակշռէ արեան գերճնշումը:
- 13.- Միզեցնող է եւ կ'արգիլէ ջուրի կուտակումը մարմնին մէջ:

Շարքը կրնայ երկարիլ, բաւարարուինք հիմնականով:

Վարսակով ջուր՝ նիհարնալ փափաքողներուն համար:

Այս խմիչքը պատրաստելու համար անհրաժեշտ են՝

- Գաւաթ մը վարսակի փաթիլ
- Կասիայի փայտիկ մը
- Երկու լիթր ջուր

Պատրաստութիւն

Հարիչի մէջ դրէք վարսակը եւ բաժակ մը ջուր հարեցէք, մինչեւ որ միատարր նիւթ մը ստանաք, ապա աւելցուցէք մնացեալ ջուրը, կասիան, եւ եթէ քաղցրը սիրող էք, ապուրի դգալ մը մեղր: Ստացուած հեղուկը սառնարանը պահեցէք եւ օրուան ընթացքին խմեցէք:



Օրը սկսեք այս հեղուկին բաժակ մը խմելով, ապա՝ ճաշի ժամերէն առաջ. ասիկա իտեալ խմիչք է կուշտ զգալու համար:

Ինչպէ՞ս օգտագործել վարսակին թեփերը.

Նախաճաշին ընթացքին, կաթին, մածունին կամ պտուղի հիւթին աւելցնելով՝ քորնֆլեքսի փոխարէն.

Կրկնեփի պատրաստութեան մէջ:

Ապուրներուն մէջ:

Միլք շէյքի պատրաստութեան մէջ:

Աղցաններու մէջ:

Հացի պատրաստութեան մէջ:



Կսկուծի փոշիի փոխարէն, մսեղէնները կամ ձկնեղէնները աւելի չոր դարձնելու համար:

ՇԱԲԹՈՒԱՆ ԲԱՆԱՍՏԵՂԾՈՒԹԻՒՆԸ

Ապրելուց Քաղցր Է Մեռնել Քեզ Համար

*Ապրելուց քաղցր է մեռնել քեզ համար,
Զգալ, որ դու կաս եւ լինել հեռու.
Երկրպագել քեզ առանց սիրուելու,
Երազել միշտ քեզ – լինել քեզ օտար...
Ստուերըդ փնտռել ամէն տեղ, ուր խենթ
Հոգին կարող է թոխչքով չափել.
Անանց կարօտում անվերջ տառապել
Եւ լինել քեզնից բաժանուած յաւէտ...
Ու գերեզմանում սեւ հողերի տակ
Եւ ոչ մի յուշով սիրտըդ չըտանջել,
Զգալ, որ անցար, եւ քեզ չըկանչել,
Ու չըխտովել բերկրանքըդ յստակ...*

ՎԱՀԱՆ ՏԷՐԵԱՆ